

351/25-261

4301.

— 01 —

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
**SLUŽBA ZA VODOPRIVREDU, PUTNU INFRASTRUKTURU
I MJESNE ZAJEDNICE**

Broj: 09-45-9942/25 D.K.
Zenica, 29.04.2025. godine

GRADONAČELNIK

PREDMET: Izvještaj za 2024. godinu – cestovna infrastruktura,
dostavlja se

Poštovani,

Prema Programu rada Gradskog vijeća Zenica za period 01.01 do 31.12.2025. godine, Izvještaj o realizaciji projekata izgradnje, rekonstrukcije i investicionog održavanja cestovne infrastrukture u 2024. godini, kao i Izvještaj o realizaciji investicionih ulaganja u oblasti vodoprivrede u 2024. godini te planovi investicionih ulaganja za 2025. godinu, trebao je biti razmatran u periodu februar-mart tekuće godine.

S obzirom da navedeni izvještaji i planovi, iz više razloga, nisu razmatrani u predviđenom roku, a imajući u vidu da je na isteku i mjesec april, Služba za vodoprivredu, putnu infrastrukturu i mjesne zajednice u prilogu dostavlja Izvještaj o realizaciji projekata izgradnje, rekonstrukcije i investicionog održavanja cestovne infrastrukture u 2024. godini.

S poštovanjem!

Prilog:
-kao u tekstu

DOSTAVLJENO:

1x Naslovu
1x a/a

POMOĆNICA GRADONAČELNIKA




Emina Kurtagić



**BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
GRAD ZENICA**

OBRAĐIVAČ
**Služba za vodoprivredu, putnu infrastrukturu
i mjesne zajednice**

**IZVJEŠTAJ O REALIZACIJI PROJEKATA
IZGRADNJE, REKONSTRUKCIJE I INVESTICIONOG ODRŽAVANJA
CESTOVNE INFRASTRUKTURE U 2024. GODINI**



Zenica, april 2025. godine

I Uvod

U svrhu izvršavanja obaveza Službe za vodoprivredu, putnu infrastrukturu i mjesne zajednice (u daljnjem tekstu: Služba), utvrđenih Programom rada Gradskog vijeća Zenica za 2025. godinu, sačinjen je Izvještaj o realizaciji projekata izgradnje, rekonstrukcije i investicionog održavanja cestovne infrastrukture u 2024. godini.

Osnov za aktivnosti Službe u izvještajnom periodu bio je Plan investicionih ulaganja u oblasti cestovne infrastrukture za 2024. godinu, usvojen zaključkom Gradskog vijeća Zenica broj: 01-45-1898/24 od 22.04.2024. godine. Ukupna vrijednost projekata predviđenih Planom ulaganja u cestovnu infrastrukturu za 2024. godinu iznosila je 10.159.301,48 KM, od čega je na ime realizacije ugovora iz ranijeg perioda bilo predviđeno 1.281.301,48 KM, a za realizaciju novih projekata 8.878.000,00 KM.

Realizacija projekata izgradnje, rekonstrukcije i investicionog održavanja cestovne infrastrukture u 2024. godini obrađena je kroz segmente kako slijedi:

-Rekonstrukcija i investiciono održavanje cestovne mreže: realizacija ugovora zaključenih u ranijem period i

-Rekonstrukcija i investiciono održavanje cestovne mreže: realizacija ugovora zaključenih u 2024. godini.

Pored investicionog održavanja, u 2024. godini su u Službi vođene i aktivnosti na održavanju cesta, koje uključuju redovno, vanredno i zimsko održavanje, a koje su detaljno obrađene u Izvještaju o radu gradonačelnika i Gradske uprave u 2024. godini.

II Rekonstrukcija i investiciono održavanje cestovne infrastrukture

Rekonstrukcija i investiciono održavanje cestovne mreže podrazumijeva aktivnosti na rekonstrukciji ulica, cesta i pripadajućih objekata odvodnje, izgradnji potpornih zidova, izgradnji i sanaciji mostova, zatim sanaciji saobraćajnica, sanaciji klizišta koja ugrožavaju cestovnu infrastrukturu te druge aktivnosti kojima se utiče na stabilnost cesta i stvaranje uslova za sigurno saobraćanje svih učesnika u saobraćaju, kao i usklađenost cesta sa drugim zahvatima u prostoru i okolišem kroz koje se protežu.

Lokalne i nerazvrstane ceste obuhvataju dužinu od 287,87 km, a gradske ulice 115,73 km.

1. Rekonstrukcija i investiciono održavanje cestovne mreže: realizacija ugovora zaključenih u ranijem periodu

Dio sredstava planiranih za poslove na rekonstrukciji i investicionom održavanju cestovne mreže u 2024. godini odnosio se i na ugovore o izvođenju radova zaključene u prethodnoj godini, čija realizacija je u cijelosti ili djelimično prolongirana za 2024. godinu. Kašnjenje u realizaciji ugovora uglavnom je prouzrokovano problemima koji su se pojavili prilikom izvođenja radova (nepovoljni vremenski uslovi, pitanje rješavanja objekata odvodnje), složenošću samih procedura javne nabavke te potrebama za izmjenom projektne dokumentacije.

U nastavku je tabelarni pregled sa podacima o ugovorima o izvođenju radova koji su zaključeni u ranijem periodu, a realizovani u 2024. godini.

Tabela broj 1 – Ugovori zaključeni u ranijem periodu

Red. broj	Predmet ugovora	Izvođač radova	Broj i datum ugovora	Realizacija u 2024. godini	Vrijednost ugovora	Status
1	Rekonstrukcija ulice Margita	Komgrad-Ze d.o.o. Zenica	02-11-13273-13/23 od 25.09.2023.	269.538,37	269.538,37	Realizovan
2	Sanacija postojećeg mosta preko Višnjičkog potoka za zaseok Raići, MZ Lašva	Konzorcij Almy d.o.o. – Almy Gradnja d.o.o. Zenica	02-11-13273-7/23 od 16.08.2023.	19.135,38	43.871,18	Realizovan
3	Rekonstrukcija ceste Donje Vražale – Gornje Vražale	Špic beton d.o.o. Zenica	02-11-13503-7/22 od 31.08.2022.	229.777,36	244.372,41	Realizovan
4	Sanacija i asfaltiranje dionice ulice Milivoja Čekade i ceste za naselje Dobriljeno	Komgrad-Ze d.o.o. Zenica	02-11-13655-5/23 od 31.08.2023.	56.633,15	344.784,70	Realizovan
5	Nastavak sanacije i asfaltiranje ceste u naselju Crnile	Špic beton d.o.o. Zenica	02-11-13655-6/23 od 31.08.2022.	1.786,59	99.162,94	Realizovan
6	Izrada sandučastog propusta preko Čajdraškog potoka i priključne saobraćajnice	Almy d.o.o. Zenica	02-11-18180-3/23 od 03.11.2023.	24.218,87	104.931,91	Realizovan
7	Dodatni radovi na izradi sandučastog propusta preko Čajdraškog potoka	Almy d.o.o. Zenica	02-11-7029-/24 od 12.06.2024.	16.142,60	16.142,60	Realizovan

Red. broj	Predmet ugovora	Izvođač radova	Broj i datum ugovora	Realizacija u 2024. godini	Vrijednost ugovora	Status
8	Rekonstrukcija dionice puta od šehidske česme do sportskog igrališta MZ Radinovići	Špic beton d.o.o. Zenica	02-11-19484-5/23 od 23.11.2023.	179.531,10	179.531,10	Realizovan
9	Rekonstrukcija tri kraka ulice Gnjusanski put	Komgrad-Ze d.o.o. Zenica	02-11-19484-4/23 od 30.11.2023.	199.737,60	199.737,60	Realizovan
10	Rekonstrukcija tri kraka ulice Gnjusanski put – dodatni radovi	Komgrad-Ze d.o.o. Zenica	02-11-4884-4/24 od 04.06.2024.	25.713,31	25.713,31	Realizovan
11	Sanacija klizišta na cesti za Vražale na mjestu gdje se nalazi lokalno mezarje	Špic beton d.o.o. Zenica	02-11-268343-3/23 od 22.03.2024.	124.537,43	124.537,43	Realizovan
12	Sanacija klizišta ceste na cesti za Palinoviće	Špic beton d.o.o. Zenica	02-11-25630-4/23 od 08.03.2024.	44.829,87	44.829,87	Realizovan
13	Sanacija dijela saobraćajnice na putu za selo Vražale sa izgradnjom potpornog zida	Komgrad-Ze d.o.o. Zenica	02-11-27715-3/23 od 04.03.2024.	27.169,07	27.169,07	Realizovan
Ukupno:				1.218.750,70		

* Svi iznosi u ovom izvještaju uključuju PDV.

Realizacija je, što je vidljivo iz Tabele br. 1, iznosila 1.218.750,70 KM.

Razlika između planirane i stvarne realizacije odnosi se na ugovore koji nisu realizovani u punoj vrijednosti te penale koji su izvođačima radova obračunati na ime prekoračenja rokova.

Ugovor o izvođenju radova na sanaciji klizišta u mjestu Gladovići, broj: 02-11-10571-11/22 od 15.07.2022.godine, zaključen sa Društvom za proizvodnju, građevinarstvo, promet i usluge "Špic Beton" d.o.o. Zenica, jednostrano je raskinut i aktivirana je garancija za uredno izvršenje ugovora. U 2024. godini pokrenut je postupak javne nabavke radova, ali je zbog uložених žalbi u postupku, ugovor o izvođenju radova zaključen tek 08.11.2024. godine.

U nastavku izvještaja je opis projekata navedenih u Tabeli br. 1.

1.1. Rekonstrukcija ulice Margita

Rekonstrukciji ulice prethodili su radovi na izgradnji trase plinovoda koje je finansiralo JP “Zenicagas” d.o.o. Zenica.

Pored navedenih radova, izvršena je sanacija postojećih prelaza na vrelovodnoj liniji koji su finansirani od strane JP “Grijanje” d.o.o. Zenica i sanacija instalacija u vlasništvu BH “Telecom” d.d. Sarajevo.

Nakon izvršenih radova na podzemnim instalacijama izvedeni su radovi na rekonstrukciji ulice, koji su obuhvatali i izgradnju oborinske kanalizacije sa rješavanjem odvodnje oborinskih voda. Izvođenje radova okončano je 08.03.2024.godine.



Slika broj 1: Rekonstrukcija ulice Margita

1.2. Sanacija postojećeg mosta preko Višnjičkog potoka za zaseok Raići, MZ “Lašva“

Ugovorom o izvođenju radova predviđena je sanacija postojećeg dotrajalog mosta za zaseok Raići u MZ “Lašva”, odnosno obuhvaćeni su radovi na ojačanju podlokanih stubova i krila mosta sa zamjenom dotrajalih drvenih pragova i izgradnjom nove rasponske konstrukcije.

Radovi su okončani 16.02.2024. godine. Izvođaču radova su, zbog prekoračenja ugovorenog roka, obračunati penali.



Slika broj 2: Sanacija mosta preko Višnjičkog potoka za zaseok Raići

1.3. Rekonstrukcija ceste Donje Vražale – Gornje Vražale

Radovi u okviru nastavka fazne rekonstrukcije ceste Donje Vražale – Gornje Vražale u dužini od 586,00 m nisu okončani u toku 2023. godine jer je bilo neophodno (uz konsultacije sa geologom) izvršiti dopunu projektne dokumentacije u dijelu izgradnje potpornih zidova, a zbog loše konfiguracije terena. Ugovoreni radovi okončani su 01.04.2024. godine.

Prije izvođenja radova na rekonstrukciji ceste izgrađena je vodovodna trasa, a radove je finansiralo JP “Vodovod i kanalizacija” d.o.o. Zenica.



Slika broj 3: Rekonstrukcija dionice ceste Donje Vražale – Gornje Vražale

1.4. Sanacija i asfaltiranje dionice Ulice Milivoja Čekade i ceste za naselje Dobriljeno

Zbog tehnologije izvođenja radova, odnosno pristupa gradilištu, izvođenje radova nije okončano u toku 2023. godine. Prva faza izvođenja radova obuhvatila je sanaciju i asfaltiranje dionice ceste za naselje Dobriljeno u dužini od 1.300,00 m, a druga faza se odnosila na izgradnju potpornog zida u Ulici Milivoja Čekade. Radovi su obustavljeni u zimskom periodu te su okončani 16.03.2024. godine.



Slika broj 4: Sanacija i asfaltiranje dionice Ulice Milivoja Čekade i ceste za naselje Dobriljeno

1.5. Nastavak sanacije i asfaltiranje ceste u naselju Crnile

Zbog obrušavanja postojećeg kamenog zida tokom izvođenja radova, realizacija ugovora nije okončana u toku 2023. godine. Situacija na gradilištu prouzrokovala je potrebu za dodatnim finansijskim sredstvima koja bi omogućila sanaciju ranije pomenutog zida, a što je bio uslov za završetak radova (koji su u cijelosti okončani 11.01.2024. godine).



Slika broj 5: Sanacija i asfaltiranje ceste u naselju Crnile

1.6. Izrada sandučastog propusta preko Čajdraškog potoka i priključne saobraćajnice

Ugovor za izvođenje radova zaključen je početkom mjeseca novembra 2023. godine, a obuhvatio je regulaciju i izgradnju prelaza preko Čajdraškog potoka te priključak na regionalnu cestu, kojim je omogućeno da crkva u naselju Čajdraš ima direktan pristup sa regionalne ceste Čajdraš – Vjetrenice.

Ugovoreni radovi nisu okončani u 2023. godini zbog zimskog perioda, kao i zbog potrebe da se dodatno zaštititi posjed (dvorište) crkve. Radovi su nastavljeni kada su se stekli povoljni vremenski uslovi, a okončani su 05.04.2024. godine.



Slika broj 6: Izrada sandučastog propusta preko Čajdraškog potoka i priključne saobraćajnice

1.7. Dodatni radovi na izradi sandučastog propusta preko Čajdraškog potoka

Nakon ukazane potrebe da se dodatno zaštititi posjed (dvorište) crkve, provedena je potrebna procedura i početkom mjeseca juna zaključen je Ugovor o izvođenju dodatnih radova. Izvođenje dodatnih radova okončano je 25.06.2024. godine.

1.8. Rekonstrukcija dionice puta od šehidske česme do sportskog igrališta u MZ “Radinovići”

Uvođenje u posao izvršeno je 11.12.2023. godine. Izvođenje radova počelo je 05.02.2024. godine (nakon što su se stekli povoljni vremenski uslovi) i trajalo je do 19.02.2024. godine, nakon čega su prekinuti na zahtjev JP “ŠPD ZDK” d.o.o. Zavidovići.

Nakon riješenih imovinsko-pravnih odnosa, 20.09.2024. godine izdata je građevinska dozvola. Radovi su okončani 01.11.2024. godine.



Slika broj 7: Rekonstrukcija dionice puta od šehidske česme do sportskog igrališta u MZ “Radinovići“

1.9. Rekonstrukcija tri kraka ulice Gnjusanski put

Izvođač radova uveden je u posao 06.12.2023. godine. Izvođenje radova počelo je 25.12.2023. godine, a zbog izmjene i dopune projektne dokumentacije (koja je usaglašena sa zahtjevima mještana na terenu), trajali su do 25.03.2024. godine. Radovi su izvođeni tokom zimskog perioda sa čestim obustavama zbog nepovoljnih vremenskih uslova. S obzirom da je projektna dokumentacija urađena 2010. godine te imajući u vidu činjenicu da se stanje na terenu u nekim segmentima izmijenilo, bile su potrebne stalne konsultacije sa projektantom.



Slika broj 8: Rekonstrukcija ulice Gnjusanski put

1.10. Rekonstrukcija tri kraka ulice Gnjusanski put – dodatni radovi

Izvođač radova uveden je u posao 31.05.2024. godine, a radovi su trajali do 06.06.2024. godine.

Kako je već u izvještaju rečeno, tokom rekonstrukcije kri kraka ulice Gnjusanski put bile su potrebne stalne konsultacije sa projektantom. Pored toga, tokom izvođenja radova pojavila se i potreba za dodatnim prihvatom oborinskih voda i njihovo provođenje u prirodni recipijent – lokalni potok. Nakon duže procedure, krajem mjeseca maja zaključen je ugovor na osnovu kojeg su zadovoljene potrebe mještana i riješeni problemi na predmetnoj dionici.

1.11. Sanacija klizišta na cesti za Vražale na mjestu gdje se nalazi lokalno mezarje

Radovi su započeti 01.04.2024. godine, a okončani 25.05.2024. godine.

Nakon raskida ugovora o izvođenju radova tokom 2023. godine, ponovo je pokrenut postupak javne nabavke radova. Ugovor o izvođenju radova zaključen je u mjesecu martu 2024. godine. Radovi su izvedeni u ugovorenom roku, čime je sanirano klizište i zaštićeno lokalno mezarje.



Slika broj 9: Sanacija klizišta na cesti za Vražale na mjestu gdje se nalazi lokalno mezarje

1.12. Sanacija klizišta na cesti za Palinoviće

Ugovor za izvođenja radova zaključen je u mjesecu martu 2024. godine, nakon izrade potrebne tehničke dokumentacije i provedenog postupka javne nabavke. Tokom izvođenja radova, zbog kompleksnosti, angažovan je geolog te su vršene manje izmjene i dopune tehničke dokumentacije. Zbog izmjene tehničkog rješenja (uz konsultacije sa geologom i projektantom) bilo je neophodno dodatno rješavanje imovinsko-pravnih odnosa. Izvođenje radova bilo je prekinuto dok se nisu riješili imovinsko-pravni odnosi, a postupak je vodila Služba za imovinsko-pravne poslove i katastar nekretnina. Zbog navedenog, radovi nisu izvođeni u periodu od 23.04.2024. do 14.10.2024. godine.

Nakon okončanja svih potrebnih procedura, radovi su okončani i sanirano je klizište. Izvođač radova uveden je u posao 18.03.2024. godine, a radovi su okončani 16.10.2024. godine.



Slika broj 10: Sanacija klizišta na cesti za Palinoviće

1.13. Sanacija dijela saobraćajnice na putu za selo Vražale sa izgradnjom potpornog zida

Dinamiku izvođenja radova uslovlila je, zbog neriješenih imovinsko-pravnih odnosa, izmjena projektne dokumentacije, kojom je projektant skratio dužinu projektovanog zida.

Nakon urađene tehničke dokumentacije došlo je do promjene vlasnika parcele koja je bila obuhvaćena projektom. Novi vlasnik parcele je, zbog komšijskih nesuglasica, obustavio izvođenje radova na svojoj parceli te je uz konsultacije sa projektantom i geologom izvršena izmjena tehničke dokumentacije i izgrađen potporni zid manje dužine od prvobitno planirane.

Izvođač radova uveden je u posao 12.03.2024. godine, a radovi su okončani 22.05.2024. godine.



Slika broj 11: Sanacija dijela saobraćajnice na putu za Vražale sa izgradnjom potpornog zida

2.Rekonstrukcija i investiciono održavanja cestovne mreže: realizacija ugovora zaključenih u 2024. godini

Planom ulaganja u putnu infrastrukturu za 2024. godinu planirana je realizacija 72 projekta ukupne investicione vrijednosti 8.878.000,00 KM.

Tabela broj 2 sadrži podatke o planiranim i realizovanim projektima u 2024. godini.

Tabela broj 2 – Ugovori iz 2024. godine

Red. broj	Predmet ugovora	Izvođač radova	Broj i datum ugovora	Realizacija u 2024. godini	Status
1	Sanacija ulice Potok	Komgrad-Ze d.o.o. Zenica	02-11-10143-6/24 od 06.08.2024.	216.970,64	Realizovan
2	Sanacija i asfaltiranje ceste u zaseoku Jagodići u MZ "Stranjani", cca 250 m	IGM-IUT Haskić d.o.o. Vitez	02-11-10143-9/24 od 09.08.2024.	37.053,90	Realizovan
3	Sanacija novonastalog klizišta na putu za selo Palinovići na lokalitetu broj 2	Mušinbegović Gradnja d.o.o. Visoko	02-11-9754-9/24 od 18.09.2024.	72.773,93	Realizovan

Red. broj	Predmet ugovora	Izvođač radova	Broj i datum ugovora	Realizacija u 2024. godini	Status
4	Izgradnja potpornog zida na dionici ceste Dolača - Gorica	Komgrad-Ze d.o.o. Zenica	02-11-9754-11/24 od 13.09.2024..	23.462,08	Realizovan
5	Sanacija i asfaltiranje dionice ceste škola- Bilići u selu Čajdraš, cca 500 m	Komgrad-Ze d.o.o. Zenica	02-11-11464-8/24 od 15.11.2024	80.407,00	Realizovan
6	Završetak sanacije ceste u Gornjim Visokovcima u MZ "Lokvine" sa rješavanjem odvodnje podzemnih voda	Komgrad-Ze d.o.o. Zenica	02-11-12277-3/24 od 20.08.2024.	92.651,02	Realizovan
7	Sanacija i asfaltiranje ceste za zaseok Totići u MZ "Janjac", cca 450 m	AB-NG d.o.o. Zenica	02-11-13036-4/24 od 23.09.2024..	57.159,29	Realizovan
8	Sanacija dijela ulice Ilirski put u MZ "Staro Radakovo"	Komgrad-Ze d.o.o. Zenica	02-11-15788-8/24 od 25.10.2024..	102.421,11	Realizovan
9	Sanacija i asfaltiranje ceste u zaseoku Ćidić Mahala u selu Obrenovci, cca 350 m	Komgrad-Ze d.o.o. Zenica	02-11-15788-9/24 od 28.10.2024.	50.780,47	Realizovan
10	Sanacija i asfaltiranje dionice ceste prema crkvi, MZ "Stranjani", cca 350 m	"Dobojputevi" d.o.o. Doboj Jug	02-11-17017-5/24 od 18.11.2024.	26.651,43	Realizovan

Red. broj	Predmet ugovora	Izvođač radova	Broj i datum ugovora	Realizacija u 2024. godini	Status
11	Sanacija i asfaltiranje ceste u zaseoku Omerovići u MZ "Topčić Polje"	Komgrad-Ze d.o.o. Zenica	02-11-17017-6/24 od 18.11.2024.	38.804,21	Realizovan
12	Presvlačenje betonske ceste asfaltom u selu Zahići na dionici puta od džamije prema mostu "Trzan", u dužini cca 400 m	Špic beton d.o.o. Zenica	02-11-17529-7/24 od 22.11.2024.	69.187,80	Realizovan
13	Sanacija i asfaltiranje dionice ceste za naselje Vardište sa rješavanjem odvodnje cca 700 m	Komgrad-Ze d.o.o. Zenica	02-11-11061-10/24 od 07.10.2024.	210.311,26	Realizovan
14	Projekt sanacije platoa/trga sa pripadajućim parkinzima i izgradnji dječijeg i sportskog igrališta (Uređenje platoa ispred kompleksa zgrada u ul. Bulevar Kulina bana br. 30 i ispred ulaza na sjevernoj strani stadiona Bilino polje)	Nosilac aktivnosti je JP „Parking servis“ d.o.o. Zenica	Sporazum br: 02-45-10884/24 od 28.05.2024.	129.431,91	Realizovan
UKUPNO:				1.208.066,05	

U nastavku izvještaja je opis projekata navedenih u Tabeli br. 2.

2.1. Sanacija ulice Potok

Ugovor o izvođenju radova obuhvatio je sanaciju i asfaltiranje ulice Potok od GGM-a do ulice Mejdandžik, uključujući i dva makadamska kraka koja vode prema OŠ "Meša Selimović". Izvršena je rehabilitacija asfaltnog zastora, kao i sanacija pješačkih površina.

Sanacija ulice izvršena je u dužini od 450,00 m. Početak radova bio je uslovljen završetkom radova na rekonstrukciji instalacija grijanja, vodovoda i kanalizacije, a koji su finansirani od strane komunalnih preduzeća, odnosno vlasnika instalacija.

Radovi na sanaciji ulice Potok započeti su 16.09.2025. godine, a okončani 08.11.2025. godine.



Slika broj 12: Sanacija ulice Potok

2.2. Sanacija i asfaltiranje ceste u zaseoku Jagodići u MZ "Stranjani"

Izvršena je sanacija i asfaltiranje ceste ukupne dužine od 250 m, čime su poboljšani elementi saobraćajnice.

Radovi na sanaciji ceste su započeti 19.08.2024. godine, a okončani 04.09.2024. godine.



Slika broj 13: Sanacija i asfaltiranje ceste u zaseoku Jagodići

2.3. Sanacija novonastalog klizišta na putu za selo Palinovići (na lokalitetu broj 2)

Tokom izvođenja radova, a zbog tehničke kompleksnosti, angažovan je projektant i geolog u svrhu iznalaženja najoptimalnijeg rješenja. Ugovor je obuhvatio i prikupljanje oborinskih voda, koje su sprovedene u odgovarajući recipijent te je izgrađen cjelovit sistem drenaže u cilju stabilizacije predmetne lokacije.

Radovi na sanaciji novonastalog klizišta na putu za selo Palinovići, na lokalitetu broj 2, započeti su 27.09.2024. godine, a okončani 16.11.2024. godine.



Slika broj 14: Stanje prije sanacije klizišta



Slika broj 15: Stanje nakon sanacije klizišta

2.4. Izgradnja potpornog zida na dionici ceste Dolača - Gorica

Izvršena je sanacija na dionici ceste Dolača – Gorica na kojoj je bilo otežano odvijanje javnog linijskog saobraćaja i na kojoj je bio ugrožen privatni posjed. Radovi na izgradnji potpornog zida na dionici Dolača - Gorica započeti su 23.09.2024. godine, a okončani 18.11.2024. godine.



Slika broj 16: Izgradnja potpornog zida na dionici ceste Dolača - Gorica

2.5. Sanacija i asfaltiranje dionice ceste škola- Bilići u selu Čajdraš

Izvršena je sanacija dotrajalog betonskog kolovoza kroz naselje Bilići. u dužini cca 500 m, čime su poboljšani elementi saobraćajnice. Radovi su započeti 27.11.2024. godine, a okončani 09.12.2024. godine.



Slika broj 17: Sanacija i asfaltiranje dionice ceste škola - Bilići u selu Čajdraš

2.6. Završetak sanacije ceste u Gornjim Visokovcima u MZ “Lokvine”

Početak izvođenja radova bio je prolongiran zbog izmjene tehničke dokumentacije koja je uslovljena postojećim elektro instalacijama (plitko ukopane instalacije).

Nakon drugog tehničkog rješenja, pristupilo se izvođenju radova. Izvršena je sanacija dotrajalog asfaltnog i djelimično makadamskog kolovoza u zaseoku Matosi u Gornjim Visokovcima te riješena odvodnja oborinskih voda do odgovarajućeg recipijenta.

Radovi na sanaciji ceste u Gornjim Visokovcima u MZ “Lokvine” započeti su 27.08.2024. godine, a okončani 22.10.2024. godine.



Slika broj 18: Završetak sanacije ceste u Gornjim Visokovcima

2.7. Sanacija i asfaltiranje ceste za zaseok Totići, MZ “Janjac”

Izvršena je sanacija dotrajalog kolovoza za zaseok Totići u MZ “Janjac”, u dužini cca 450 m, čime su poboljšani elementi saobraćajnice i riješena odvodnja oborinskih voda. Dionica ceste koja je sanirana utvrđena je sa MZ “Janjac”, odnosno izvršena je sanacija dionice sa najvećim stepenom oštećenja.

Radovi na sanaciji i asfaltiranju ceste započeti su 01.10.2024. godine, a okončani 01.11.2024. godine



Slika broj 19: Sanacija i asfaltiranje ceste za zaseok Totići

2.8. Sanacija dijela ulice Ilirski put u MZ “Staro Radakovo”

Izvršena je sanacija dotrajalog asfaltnog kolovoza sa izraženim deformacijama u smislu konkavno/konveksnih ispupčenja. Ugovorom o izvođenju radova obuhvaćena je i izgradnja drenažnog sistema u cilju odvodnje podzemnih voda koji su izraženi za ovo područje.

Radovi na sanaciji dijela ulice Ilirski put započeti su 04.11.2024. godine, a okončani 28.11.2024. godine.



Slika broj 20: Sanacija dijela ulice Ilirski put

2.9. Sanacija i asfaltiranje ceste u zaseoku Đidić Mahala u selu Obrenovci

Izvršena je sanacija dotrajalog betonskog i djelimično makadamskog kolovoza, u dužini cca 350 m te su poboljšani elementi saobraćajnice.

Radovi na sanaciji i asfaltiranju ceste kroz Đidić Mahalu u MZ "Pojske" započeti su 06.11.2024. godine, a okončani 18.11.2024. godine.



Slika broj 21: Sanacija i asfaltiranje ceste u zaseoku Đidić Mahala u selu Obrenovci

2.10. Sanacija i asfaltiranje dionice ceste prema crkvi u MZ "Stranjani"

Ugovorom o izvođenju radova obuhvaćena je sanacija i asfaltiranje degradiranog betonskog kolovoza, u dužini od 350 m, za prilaz crkvi u zaseoku Dolac u MZ "Stranjani".

Radovi na sanaciji i asfaltiranju dionice ceste prema crkvi u MZ "Stranjani" započeti su 28.11.2024. godine, a okončani 18.12.2024. godine.



Slika broj 22: Sanacija i asfaltiranje dionice ceste prema crkvi u MZ Stranjani

2.11. Sanacija i asfaltiranje ceste u zaseoku Omerovići u MZ "Topčić Polje"

Izvršena je sanacija i asfaltiranje makadamske dionice ceste u zaseoku Omerovići, u MZ "Topčić Polje", u dužini od 250 m.

Radovi na sanaciji i asfaltiranju stare ceste za selo Bistrica započeti su 22.11.2024. godine, a okončani 14.12.2024. godine.



Slika broj 23: Sanacija i asfaltiranje ceste u zaseoku Omerovići

2.12. Presvlačenje betonske ceste asfaltom u selu Zahići

Izvršena je sanacija i asfaltiranje degradirane betonske ceste u selu Zahići u MZ "Zahići-Živkovići", u dužini od 400 m.

Radovi na sanaciji ceste u selu Zahići, na dionici puta od džamije prema mostu Trzan, započeti su 02.12.2024. godine, a okončani 19.12.2024. godine.



Slika broj 24: Presvlačenje betonske ceste asfaltom u selu Zahići

2.13. Sanacija i asfaltiranje dionice ceste za naselje Vardište

Kako se radi o gusto naseljenom mjestu riješena je odvodnja oborinskih voda na mjestima gdje je to bilo moguće, obzirom da su stambeni objekti ispod i iznad predmetne saobraćajnice. Radovi su bili otežani zbog skućenog prostora za rad mehanizacije. Predmetnim radovima poboljšani su elementi saobraćajnice (poprečni i podužni nagibi).

Radovi na sanaciji i asfaltiranju dionice ceste za naselje Vardište, u dužini od 700,0 m, sa rješavanjem odvodnje oborinskih voda, započeti su 14.10.2024. godine, a okončani 13.12.2024. godine.



Slika broj 25: Sanacija i asfaltiranje dionice ceste za naselje Vardište

2.14. Sanacija platoa/trga sa pripadajućim parkinzima i izgradnja dječjeg i sportskog igrališta sa pripadajućim parkinzima

Projekat se realizuje na osnovu Sporazuma o zajedničkom finansiranju, zaključenog između Grada Zenica i Javnog preduzeća "Parking servis" d.o.o. Zenica, kojim je utvrđeno da 45 % sredstava obezbjeđuje Grad, a 55 % sredstava Javno preduzeće.

Nosilac aktivnosti je JP "Parking servis" d.o.o. Zenica. Izvođenje radova je u završnoj fazi. Grad Zenica je u toku 2024. godine izvršio svoju obavezu kada je u pitanju obezbjeđivanje, odnosno transfer sredstava neophodnih za realizaciju ugovora o izvođenju radova.



Slika broj 26: Sanacija platoa/trga sa pripadajućim parkinzima i izgradnja dječjeg i sportskog igrališta sa pripadajućim parkinzima

U narednom dijelu izvještaja slijedi opis projekata koji, zbog kašnjenja u proceduri javnih nabavki (žalbe ponuđača; odustajanje ponuđača od zaključivanja ugovora), ali i zbog brojnih drugih razloga (obim ugovorenih radova; usaglašavanje projektnih rješenja; nepovoljni vremenski uslovi; tehnologija izvođenja radova – sanacija klizišta; skučen prostor za rad građevinske mehanizacije; spora dinamike izvođenja radova zbog ostalih postojećih instalacija; izvođenje radova od strane javnih preduzeća; iznalaženje drugih tehničkih rješenja; nepristupačnost lokacije za dopremu materijala i transport mašina), nisu u cijelosti ili djelimično realizovani u 2024. godini:

- Rekonstrukcija ulice Gradac u dužini od 450 m;
- Sanacija klizišta u Gladovićima;
- Rekonstrukcija dionice Ulice Milivoja Čekade u dužini od 350 m;
- Rekonstrukcija dionice ceste Donje Vražale – Gornje Vražale u dužini od 700 m;
- Sanacija i asfaltiranje ceste Gornja Zenica – Tavnik - Vražale u dužini 800 m;
- Izgradnja potpornog zida u naselju Janjac;
- Sanacija klizišta Smetovi;
- Sanacija i asfaltiranje ceste u naselju Dujmovići u dužini 500 m;
- Sanacija i asfaltiranje dionice ceste Pojske - Rebrovac u dužini 350 m;
- Sanacija Ulice Branislava Nušića u dužini 250 m;
- Sanacija i asfaltiranje ceste u MZ "Briznik", dionica od Lužnica do Društvenog doma, u dužini od 800 m;
- Uređenje prostora na lokalitetu "Papirna" u Ulici Saliha Cakana Mulalića;

- Sanacija i asfaltiranje dionice ceste u zaseoku Lađice u selu Čajdraš, u dužini od 500 m;
- Sanacija i asfaltiranje dionice ceste Tetovo - Gradišće u dužini od 1.300 m;
- Rekonstrukcija i asfaltiranje glavne ceste u MZ "Seoci", dionica od naselja Jezer do džamije, u dužini od 800 m;
- Asfaltiranje sportskog igrališta Trzan u selu Jastrebac;
- Asfaltiranje betonske ceste kroz selo Osredak, u dužini 400 m, sa rješavanjem problema oborinskih voda;
- Sanacija i asfaltiranje betonske ceste u MZ "Donje Babino", dionica džamija – Gornji Kasapovići cca 500 m;
- Sanacija i asfaltiranje betonske ceste za sela Jurjevići, Jasika i Vranovići, u dužini od cca 1.000 m;
- Sanacija i asfaltiranje ceste kroz zaseok Hajkoviće;
- Sanacija i asfaltiranje dionice ceste Donja Gračanica – Gornja Gračanica;
- Sanacija i asfaltiranje dionice ceste u naselju Mala Broda, MZ "Broda";
- Sanacija i asfaltiranje ulice Visočka, MZ "Drivuša";
- Sanacija i asfaltiranje kraka ulice Goraždanska, MZ "Lukovo Polje";
- Sanacija i asfaltiranje ceste u naselju Skutovo, MZ "Donja Gračanica";
- Sanacija i asfaltiranje ceste u zaseoku Rajčevići, MZ "Orahovica", od škole do mejtefa, u dužini od cca 200 m;
- Sanacija i asfaltiranje dionice ulice Maglajska u dužini od cca 600 m.
- Izgradnja potpornog zida u ulici Zvečajska br.11, MZ "Raspotočje";
- Sanacija i asfaltiranje kraka Ulice Kraljice Katarine.

Ugovor o izvođenju radova na izgradnji potpornog zida u selu Donji Smajići u MZ "Bistričak" je raskinut zbog problema imovinsko-pravne prirode.

Uz projekte koji nisu realizovani u 2024. godini, potrebno je pomenuti i projekte za koje nije pokrenut postupak javne nabavke radova jer nisu razmatrane i usvojene Izmjene i dopune Budžeta Grada Zenica za 2024. godinu, a što je bio preduslov za realizaciju ovih projekata, naveden i u Planu investicionih ulaganja u oblasti cestovne infrastrukture za 2024. godinu:

Tabela broj 3 – Projekti za koje nije pokrenut postupak javne nabavke radova

Red. broj	Naziv projekta	Vrijednost
1	Izgradnja potpornog zida u Donjim Smajićima, MZ "Bistričak"	65.000,00
2	Proširenje mosta na Vukočkom potoku na cesti za selo Jastrebac	80.000,00
3	Sanacija mosta na rijeci Bistričak na cesti za selo Smajiće	80.000,00
4	Sanacija i asfaltiranje dionice lokalne ceste od Hrast potoka prema Gorici cca 2.000 m	430.000,00
5	Sanacija i asfaltiranje ceste kroz selo Puhovac u dužini cca 350 m sa djelimičnim proširenjem	80.000,00
6	Sanacija i asfaltiranje dijela ceste u naselju Kahrmani, MZ "Topčić Polje"	30.000,00
7	Nastavak sanacije i asfaltiranja ceste kroz naselje Gnjuse u MZ "Raspotočje"	350.000,00
8	Sanacija i asfaltiranje kraka ceste u zaseoku Konjevići, MZ "Pojske" cca 200 m	40.000,00
9	Rekonstrukcija ulice Jalijski put	600.000,00
10	Presvlačenje betonske ceste asfaltom u Gornjoj Vardi u dužini cca 300 m	50.000,00
11	Sanacija i asfaltiranje betonskih cesta u selu Radinovići (dva kraka) cca 200 m	35.000,00

Red. broj	Naziv projekta	Vrijednost
12	Sanacija i asfaltiranje betonske ceste u selu Arnauti u dužini cca 550 m, sa krakom ceste ispod šehidske česme dužine cca 50,0 m	80.000,00
13	Sanacija i asfaltiranje dijela ulice Marjanovića put, MZ "Staro Radakovo" dužine cca 300 m	60.000,00
14	Sanacija i asfaltiranje dijela ceste u Donjoj Vraci	35.000,00
15	Sanacija i asfaltiranje dijela ceste autobuska stanica-Vrtače dužine 350 m i Petkovići dužine cca 150	80.000,00
16	Nastavak rekonstrukcije ulice 9. maj, dužine cca 200 m	200.000,00
17	Sanacije i asfaltiranje kraka ulice Prašnice	80.000,00
18	Sanacija i asfaltiranje ceste u zaseoku Dolipolje cca 400 m	70.000,00
19	Sanacija i asfaltiranje kraka ceste u zaseoku Ravan, MZ "Bistrica" cca 100 m	30.000,00
20	Sanacija i asfaltiranje ceste u selu Kovanići cca 750,0 m	100.000,00
21	Sanacija i asfaltiranje ceste pored stare džamije u selu Šerići	100.000,00
22	Rekonstrukcija ceste u selu Donji Vukotići od područne škole do Vukočkog potoka i sanacija dijela ceste u Gornjim Vukotićima cca 750,0 m	270.000,00
23	Sanacija i asfaltiranje ceste u zaseoku Gornja Mahala, MZ "Orahovica" cca 800 m	150.000,00
24	Sanacija i asfaltiranje 2 kraka ceste u selu Starina cca 300 m	50.000,00
25	Sanacija i asfaltiranje ceste od Društvenog doma prema Ravnim njivama cca 400 m i cesta pored džamije cca 200 m	100.000,00
26	Sanacija i asfaltiranje kraka ceste u selu Vrselje cca 80 m	15.000,00
27	Sanacija i asfaltiranje 2 kraka ceste u zaseoku Poratje, MZ "Pojske" cca 300 m	50.000,00
28	Sanacija i asfaltiranje kraka ulice Zmajevačka cesta od 94 do 100 i Gornja ravan cca 180 m	50.000,00
29	Završetak sanacije ceste sa zaštitom škarpe za selo Dobriljeno	100.000,00
30	Sanacija i asfaltiranje ulice Mlini, dužine cca 600 m	100.000,00
Ukupno:		3.560.000,00

III Zaključak

Na ime realizacije ugovora o izvođenju radova, u oblasti izgradnje, rekonstrukcije i investicionog održavanja cestovne infrastrukture u 2024. godini, izdvojena su sredstva u iznosu od 3.300.820,20 KM i to:

- ugovori zaključeni u ranijem periodu 1.218.750,70 KM,
- ugovori zaključeni u 2024. godini 1.894.994,68 KM,
- Projekat sanacije pristupne ceste – Kužno groblje 187.074,82 KM.

Realizacijom aktivnosti u izvještajnom periodu:

- rekonstruisano je i asfaltirano 10.250 m cestovne infrastrukture,
- završeno je izvođenje radova na pripremi donjeg stroja saobraćajnica u dužini od 12.280 m,

- izvršena je sanacija postojećeg mosta preko Višnjičkog potoka za zaseok Raići, MZ "Lašva"; izgradnja sandučastog propusta preko Čajdraškog potoka i priključne saobraćajnice za prilaz crkvi Srce Isusovo u Čajdrašu; sanacija klizišta na cesti za Vražale na mjestu gdje se nalazi lokalno mezarje; sanacija klizišta na cesti za Palinoviće, sanacija dijela saobraćajnice na putu za selo Vražale sa izgradnjom potpornog zida; sanacija novonastalog klizišta na putu za selo Palinoviće na lokalitetu broj 2; izgradnja potpornog zida na dionici ceste Dolača-Gorica; sanacija pristupne ceste za Kužno groblje.

Realizovane aktivnosti provedene u izvještajnom periodu rezultirale su poboljšanjem stabilnosti cesta i povećanjem stepena sigurnosti saobraćaja na gradskim ulicama, lokalnim i nerazvrstanim cestama u Gradu Zenici.

Broj: 09-45-9942/25

Zenica, 29.04.2025. godine

POMOĆNICA GRADONAČELNIKA



Emina Kurtagić